

ILUARSISSUT

Akissuteqaat 12. oktober 2012-imeersoq uuma taarserpa. Iluarsineqarput: Oqaaseq “Aappassaaneerneqarnera” taarserneqarpoq oqaatsimik “Siullermeerneqarnera” aamma oqaaseq ”Oqaatilliisarnermi” taaserneqarpoq oqaatsimik ” Iserterluni nalunaaruteqartarnermik” – danskisuuani allanngortoqanngilaq.

Pisortat oqartussaasut nalunaarsuiffii pillugit inatsit naleqqussarneqarnissaa siunertaralugu, siunissamilu pisortat suliffeqarfiillu whistleblower-it pillugit aaqqissuussinernik pilersitsinnaanissaannut periarfissinniarlugit naalagaaffimmut saaffiginneqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Naaja Nathanielsen, Inuit Ataqatigiit)

Akissuteqaat

(Nunamut Namminermut, Pinngortitamut Avatangiisinullu Naalakkersuisoq)

Siullermeerneqarnera

Siunnersuuteqartoq Naalakkersuisut sinnerlugit qujaffigaara Inatsisartut ataatsimiinneranni matumani pingaaruteqartumik oqaluuserisassanngortitsineranut.

Iserterluni nalunaaruteqartarnermut aaqqissuussinerit (wistleblowerordninger) ukiuni makkunani nunani allani atugaaleriartortut aamma suliffeqarfinni assigiinngitsunik iluseqarlutik atugaaleriartuinnarput. Pineqartoq annertuumik qitiutillugu isiginiarneqarpoq soqutigisaqaqatigiiffiit akornanniinnaanngitsoq aammali suliffeqarfinni arlalissuarni.

Taamaattorli nalunaarsuisarnermik inatsit massakut atuuttoq isertorluni nalunaaruteqarnermut aaqqissuussinernik (whistleblowerordninger) pilersitsinerut tunngavigneqarnissaa periarfissaqanngilaq, pisariaqassallunilu nalunaarsuiffinnik, suliffeqarfinni namminersortunit pigineqartuni aamma pisortatut oqartussani isertorluni nalunaaruteqarnermut aaqqissuussinermi (whistleblowerordninger) atorneqartussani pilersinneqartussani, pilersitsisarnermik maleruagassat allanngortinneqarnissaat.

Iserterluni nalunaaruteqartarnermik aaqqissuussinernik (wistleblowerordninger) pilersitsinissami pissutsit mianerisariaqartut arlaqarput. Inuup nalunaaruteqartup kinaassusiat isertuunneqarnissaata qulakkeerneqarnissaa. Aamma inuup, pisortatut oqartussaaffiup imaluunniit suliffeqarfiup nalunaarutigineqartup tunngavissaqanngitsumik iliorfigineqalinnginnsaata qularnaariffigineqarnissaa.

Peqatigisaanik pingaaruteqarpoq inuup nipangiussisussaatitaaneranut apeqqutip qulaajarneqarnissaa, isertorluni nalunaaruteqarnermut aaqqissuussinernik (whistleblowerordninger) pilersitsisoqassapat.

Tassunga atatillugu ilaatigut Norgemi Danmarkimilu misilittakkat arlaqartut iluaqutigineqarsinnaapput.

Danmarkimi peruserineqartumi Inuit nalunaarsorneqartarnerat pillugu inatsit, Kalaallit Nunatsinni atuutsinngitsoq, tunngavigineqarpoq. Piffissami sivitsortumi danskit naalagaaffiat Naalakkersuisullu oqaloqatigiinnernik ingerlataqarput Inuit nalunaarsorneqartarnerat pillugu inatsisip Kalaallit Nunatsinni atortuulersinneqarnissaa siunertaralugu qanittukkullu atortuulersitsinissamik siunnersuummut missingiut tusarniaassutigineqartussa qiguneqarluni.

Isertorluni nalunaaruteqarnermut aqqissuussinernik (whistleblowerordninger) pilersitsisoqarsinnaalernissaanik Naalakkersuisut siunnersuut tunngaviatigut isumaqatigaat kaammattuutigissallugulu Inuit nalunaarsorneqartarnerannut inatsisip atortuulersinneqarnissaanik suliaqarnermut ilanngullugu suliaq tamanna ilaatinneqassasoq.